

նորդ Մկրտիչ վրդին կոնդակներ կուտան, որպէսզի նպաստներ հաւաքելով նորոգութիւններ կատարէ աւերեալ վանքին մէջ: Կթղին գրած կոնդակին մէջ Դաւիթ եպս. ի նկատմամբ հետեւեալ տողերը կը գտնուին. «Նա ևս ժամանակաւ զմն հայր սուրբ անապատիս, հեղահողի աստուածաբան վարդապետն Դաւիթ բազում ընծայելք գնացեալ ի սուրբ Երուսաղէմ ուխտ և երկրպագութիւն տնօրինականացն տեղեացն Քրիստոսի և կատարեալ զուխտն իւր և պատրիարկ այնմ ժամանակին բազում հարկիս և մեծարանս առնէ նմա և ի դառնալն նորին շնորհէ բազում նշխարս սրբոց և մաս մի ի կափարիչ վիմէն, և նա բերեալ ի սուրբ անապատն, որ կայ մինչև ցայսօր և առնեն բազում սքանչելիս, ի հիւանդս և ցաւագնեալս» (Արձագանգ. 1776, էջ 340): Դաւիթ եպս. վախճանած է իր անապատին մէջ և թաղուած տաճարին արևելակողմը՝ պարսպին մէջ (Խառիժեցի, էջ 253—254) և իր տապանագիրն է հետևեալը. «Այս է հանգիստ Դաւիթ եպս.ին, որ փոխեցաւ առ Քրիստոս թվ. ՌՂԵ» (=1646) (Արձագանգ, 1886 էջ 330):

Ե

ԵՂԻՇԷ ԵՊՍ. ՉԻԼԻՆԿԻՐԵԱՆ.— (ՏԵ՛ս էջ 126). կը վախճանի 1929 փետր. 7 ին և կը թաղուի Սիոնի գերեզմանատունը. Ս. Յակոբի վանքին յիշատակ կը թողու Երուսաղէմի մէջ կրկնայարկ մթերանոցի մը ²/₃ մասը, ինչպէս նաև նորաշէն յարկաբաժինի մը ⁵/₄₃ բաժինը:

ԵՍԱՅԻ (ՄՀՏ.) ԴԶԼԱՐՅԻ.— Ուխտաւորութեամբ այցելած է Ս. Յակոբի վանքը և անոր նուիրած է 10,000 դահեկան (Արձանգր. Տն. Ժողովի, 1879, էջ 364):

ԵՐԵՄԻԱ ԵՊՍ. ՄԱՐԳԱՐԵԱՆ.— (ՏԵ՛ս էջ 134). 1728ին Պալատի Ս. Հրեշտակապետ եկեղեցիին մէջ քահանայական ձեռնադրութիւն մը կը կատարէ. ձեռնադրեալը՝ Յակոբ քհ.՝ Աւետարանի մը մէջ (տպ. Պոլիս, ՌՃԾԹ՝ (=1710) հետեւեալ յիշատակարանը կը գրէ. «Այս... ինծի օժտեց, ես սարկաւագ ի քէն, գահանա ձեռնաթրվեցայ Հրշտակապետ եկեղեցին յերուսաղէմցի յերեմիա վարդապետէն, թըւին Հայոց ՌՃՀԷ